

171
Heliotropium Elbingense,

Sponsus,

VIR

Admodum Reverendus, Clarissimus atq. Doctissimus,

DN. SAMUEL

CORELLIUS,

Pastor Neostadiensium Meritissimus,

versus Thoruniensem sese Horizontem

ad SOLEM

VIRGINEM,

Leclissimam, omniumq. Virtutum gemmis Ornatis simam,

Nobilemq.

REGINAM

VIRI

Nobilissimi, Generosi & Spectatissimi,

DN. JOHANNIS SZIRAKOWSKI,

Civis ac Proxenetæ Thordniensis Famigeratissimi,

FILIAM

Die 8. Mens. Novembr. Anni 1678.

Amplexibus circumdandam,

Præviisq; nuptiis sibi appropriandam,

INCLINANS,

Gymnasii Elbingensis Aliquot Docentium

comitatur votis.

ELBINGÆ, Typis CORELLIANIS.

Solsequiis occulta datur vis indita rebus,
 Quæ sese, patulò Sole movente, movent,
 Nubibus ipse licet vultum Sol abdidat altis;
 Ipsi at retinent obvia signa pedum.
 Heliotropii flores hac indole gaudent,
 Nee tardant motum tempore Solstitii,
 Sole ferente diem, calycem cum caule resolvit
 Mygdoniæ Lotus, tota calore valens;
 Sole cadente, lacum scapò flos occupat inum,
 Ac si conatu, solis anhelet iter.
 Et Malache pronò sequitur quæ vertice Solem,
 Præcisè medium connotat ipsa diem.
 Hemerocallis idem præstat; quæ gloria mundi
 Dicta fuit; siquidem claruit inde dies.
 Cum Sol sic soleat ductu celebrare choreas;
 Hæ segetes, *Sponsæ** nomen & omen habent.
 Ex his quale TIBI proprium, MI SPONSÆ, dicabo,
 Plantane num plantans; versus an ordo placet?
 Thorunii tacitè cum sis perductus ad oras,
 Heliotropii, SPONSUS ad instar eris.
 Tectus amor SPONSÆ penetrante calore medullas,
 Nonne tuas tetigit tam procul urbe fitas?
 Hæc vis inde tuos simul ac invaserat artus,
 Robore magnetis TE trahit obsequiò.
 Solstitium proh! passus eras dum concidit uxor
 Chara prior, Solis munia perficiens.
 Sed redeunte novò, TIBI SPONSO, SOLE, tuisq;
 Te gerito Lotum nocte dieq; parem,
 Exempiò Malaches, medii momenta diei
 Observato, tui Solis in æde vagi.

* Vid. Plin. Natur. Hist. l. 2. c. 41. lib. 19. c. 6. l. 22. c. 21. l. 37. c. 10.

It. Joan. Baptista Porta Phytogn. l. 1. c. 18, it. l. 8. c. 8. Aliq;

Hemerocallis eris; factis si dicta replebis;
Te faciet clarum multa propago Patrem.
Nec mirum; Solis subeat quod Sponsa valorem;
Uxor enim curâ Sol cluit ipsa domûs.
Solis voce, suum Teuto genus annotat ipse
Foemineum: Lunæ fertur imago maris.
Sæpe mares segnes muliebri pectore pollent;
Sed maris hinc mulier sustinet ipsa vices.
Quid? quod si mulier Paphiâ virtute coruscet;
Phœbeæ pariter lampadis instar erit.
Cum reputes talem sociam Tibi cœlitus ortam
Hisce tuis annis nonne beatus eris?
Nautica si pixis corrumpit vota secunda;
Scis, quod Sol sphæras ipse Planeta regat.
Ot adspiret huic cœpto fortuna labori,
Viribus influxus congruat ipse Poli!
Sic lapis *Heliotropius* cum nomine vero,
Fama, perennis amor, Gloria Vestra Salus!
SPONSE novam tecum ducas HOROSCOPE stellam;
Clarius hæc nobis Noster Horizon erit!

M. Jacobus Børgger / G. E. R.

Dixerim vitam pelagus profundum,
Quod filet rarò facie serenâ:
Sæpius Neréus subitò tumescens
Eyomit iras,
Nunc freto nimbum minitatur Auster,
Nunc is incumbit maribus, vel Euris,
Nunc ruunt unâ Boreas Notusq;
Corus & Euris.

Te

Te voco Testem, Reverende Sponse,
Tu sat es sævis agitatus undis,
Atq; jaçtatus vario periclo
Milleq; Curis.

Tam ferox venti rabies boabat,
Ut videretur Capiti minari
Nescio quæ non mala; quodve damnum
Naufragiumvé.

Attamen tristes, velut alter Atlas,
Fortis ærumnas humeris tulisti;
Nam fuit vultus Tibi semper idem
Frons eadèmq;.

Scilicet nôras, fore tempus olim
Quo nec iratum mare murmurabit,
Nec nisi mollis Zephyrus faventi
Surget Olympo.

Ecce jam surgit lenis aura venti,
Et procellosi tacet ira fluctûs,
Cum Tibi jungunt superi SECUNDAM
Foedere nuptam.

Naviga ventis etiam SECUNDIS
Quamdiu venti Tibi sunt secandi,
Usq; dum pleno subeas quieta
Littora velo.

Voto hoc profequitur Nuptias

Petrus Behm, ConR.

O Supreme DEum celsi fabricator Olympi,
 Vivificus cujus quoslibet ambit amor:
 Septem mitte sacri thalamo rogo munera flatus,
 Ad te quæ remeans filius ante dabat.
 O mea, Christe Salus cunctorum spesq; tuorum,
 Ingenui cordis te penetrare vocat.
 Huc ades, & præsens Sponso Sponsæq; faveto
 Promendo largâ dulciavina manu.
 Vina dabas olim Galileæ ruris Alumnis
 Augendo teneras plebis egentis opes.
 Spiritus ille sacermentis medicina dolentis
 Sit rogo Conjugibus, quod dabis omne merum.
 Labe Conjugii tollat minuatq; dolores
 Tangere qui nuptos & superare solent.
 His & Conjugii tribuas bona corporis Author
 Omnia quæ vitæ stamina longa dabunt.
 Dulcia Conjugii tribuit quoq; pignora Numen,
 Irrorans thalamum fertilitate novum.
 Ista precor Dominus precibus rata pondera donet
 Nec nos in cassum fundere vota sinat.

Amoris testandi ergo addidit

Michael Sidovius, Cantor.

Non secus arcano junguntur pectora nexu,
 Quam vi Magnetis conjuncta Catena cohæret, *Alluditur ad Ca-*
 Æratō quamvis non sit ferrumine vinctā, *tenam, quam efficit*
 Nam veluti Magnes tacito sibi foedere jungit *Magnes, ferreos an-*
nulos attrahens adinvicem, cum Lemmate: ARCANIS NODIS.
 Articula-

Articulos ferri, non arte nec ære ligatos,
Fiat ut arcanis nodis conexas Catena;
Sic agit occultâ vi Magnetismus amoris;
Attrahit, & jungit se junctas corpore mentes,
Ut dulci nexu corpus redigantur in unum.
Testis erunt nova quæ pangis connubia, *Sponse,*
Hæc si solerti collustrem lumine mentis;
Quid, nisi supremâ Fati Te lege catenam,
Quam mors dissolvit, rursus connectere dicam?
Nam Cœli nutu Magnes Te traxit amoris,
Ut Viduo Thalamo sociam de Gente Thorunâ
Eligeres. Cœli nutu SZIRAKOWSKIA Nympha
Virtutis famam nostram transmisit ad urbem,
Et vi Magnetis persuasit adire Thorunum.
Herculeæ Magnes lingvæ (dicente Poëtâ)
Tantum pollebat, missis ut ab ore Catenis
Flexanimâ cunctas Svadâ pertraxerit aures.
Robore crediderim simili Magnetica Sponsæ.
Verba tuo cordi gratam iniecisse catenam.
Nam simul hanc visis, visam cupis, atq; cupitâ
Ut potiari rogas. Et sic speciosa catena
Adfectus mutui mutuô vincitur amore.
Gratulor his vinculis Cœlô firmante ligatis!
Nec citiùs voveo Torquis rumpatur amoris,
Quàm fera cum Magnes contemnet pabula ferri.
Quò sic Torquatus dicaris amore perenni.

*Ita Nuptiis auspiciatissimis
applaudit*

Daniel Holstius, Gymn.
Elb Coll.

Conju-

A. & Ω.

Conjugium multi temnunt, damnabile multis
Dicitur: Ast falsò. Res Sacra Conjugium est;
Qvam DEus omnipotens Sanctò fundavit in hortò,
Cum prudens Hevam consociavit Adæ.
Nam fore prævidit sapiens minùs utile Plastes
Siv itæ sociâ destituatur homo,
Qvod DEus instruit certè damnabile non est.
Nam neqvit ullius Conditor esse mali.
Rectius hoc animò, Fautor Reverende, volutans,
Conjugium laudas, Conjugiumq; probas,
Qvod dum ritè facis meritò gratantur amici,
Qvorum cum votis, & mea juncta lege.
Sit Thalamus prosper multâ sit prole beatus.
Sit domui felix Sponsa decora tuæ.
Sic abeas votis comitatus, Sponse secundis,
Prospera quò semper VOTA SECUNDA cluane.

*Faucula hæc Viro plurimum Reverendo Secundum
Sponso congratulatur animò sincerò*

Christianus Schefferus,

Præcent.

Wenn der schwarze Wolken-Schwall an dem blaugewölbten Bogen/
Nar der Sonnen güldne Pracht und der Sternen Heer umbogen/
So verschwindet alle Lust/ jeder ist mir Furcht erfüllt/
Weil des Himmels Zier ihr Haupt hat in schwarzen Flur verhüllt.
Aber

Aber wenn am Kunst-Gemach mit dem Purpur-Rosen-Blanke
 Jesus freudig erit herfür und bestrahlt die große Sange/
 So erfreut sie jederman/ und vertreibet alles Leid
 Wehmuth/ Furcht und Ungemach wird verkehrt in lauter Freud:
 Also war/ Vielwehrter Herr/ vormals seines Hauses Himmel
 In die dicke Finsternis und ins schwarze Traur-Getümmel
 Jämmerlich hinnein gesetzt/ als der blasse Todt in Eil
 Seine rechte Freuden-Sonn riß hinweg durch seine Pfeil.
 O der großen Rauberey! O des grimmen Würgers Wüten!
 Dessen starke Todes-Macht auch sein Kind nicht kont verhüten/
 Sondern musste fallen hin. O der großen Ubelthat!
 Seiner Freunde wehrte Schaar sich mit Ihm betrübet hat.
 Nun schickt Ihm der Höchste zu eine andre Tugend-Sonne
 Die sein Haus bestrahlen wird jederzeit mit Lust und Wonne/
 Drum freu Er sich billig heut über Gottes Wunder-Nacht
 Welcher seine Traurigkeit recht in Freud verkehret hat.
 Dis ist so des Höchsten Schluß/ sein Werck ist nicht zu ergründen/
 Kommen wir in Kreuz und Noth/ läst Er sich bald gnädig finden/
 Nach dem Frost folgt Sonnenschein/ nach dem Regen Fried und Ruh/
 So schickt auch des Himmels-Gunst nach dem Trauren Freude zu.
 Der Euch Vielgehrtes Paar/ nun zusammen hat gegeben/
 Laß Euch hier in stetern Glück und in vollen Freuden schweben/
 Eris sey von Euch enisfernt/ zeitlich geh' es hier Euch woll
 In der keuschen Ehe-Lust/ Euer Haus sey Freuden voll/
 Sehet Kindes Kinder viel/ schauer nichts denn Himmels-Seegen/
 Glücks sey in Eurem Thun und auff allen Euren Wegen.
 Bis nach vieler Jahre Zahl Ihr heimgehet zu der Ruh/
 Und im Glücke Lebens-satt schließet Eure Augen zu.

Dieses hat Glückwünschend dem Hn. Bräutigam seinem
 Hochzuehrenden hohen Sönnern hinzusetzen
 wollen

Samuel Sendel/ G. C.

